

## Lansamentu Estudu Liña Báziku sira kona-ba Violasaun Baséia bá Jéneru no Seksu

Díli, Sala Konferénsia, 13 Agustu 2009

Benvindu bá partisipante sira hotu  
Bainaka sira mak hau respeita

**H**o haksolok bo'ot tebes ohin hau fó benvindu bá ita bo'ot sira hotu bá lansamentu ofisial kona-ba “Relatóriu Liñas báziku kona-ba Seksu no Violénsia Básiia bá Jéneru iha Covalima no Bobonaro”.

Uluk nanai'n hau hakarak fó hau nia agradesimentu bá membru grupu estudu ida ne'e no Asia Pacific Support Collective Timor-Leste (APSCTL) ne'ebé halo relatóriu ne'e sai posivel. Grupu ida ne'e inklui Maria Domingas Fernandes Alves, Isabel Sequeira, Laureia Alenantes no Filomena Reis, Ne'ebé sira servisu iha difukuldade bo'ot nia laran maibé servisu ida ne'ebé importante tebes atu halo investigasaun no relatóriu kona-ba realidade fetu no fetu foin-sae sira iha Timor-Leste ne'ebé iha relasaun ho Violénsia Básiia bá Jéneru (VBJ). Relatóriu ida ne'e hatete sai realidade ida ne'ebé halo ema tauk, explorasau, violénsia no abusu, no peskiza ida ne'e konsentradu iha área Covalima no Bobonaro ne'ebé ita hotu hatene katak sai tiha hanesan problema ida ne'ebé sériu iha Timor-Leste.

- Rezultadu husi relatóriu, halo hakfodak, no halo ema hotu laran susar tebes; ida ne'e lao's halo ita tauk atu ita la ajuda maibé ida ne'e informa ita bá realidade mak fetu sira hasoru no esforsu ida ne'ebé eziste ona no servisu ida ne'ebé la kole.
- Estudu ida ne'e fornese evidensia ida ne'ebé krusial tebes atu rejeita atetude ne'ebé hatete “ida ne'e ami, ida ne'e ami nia kultura” ka ida ne'e destinu fetu nia ka ida ne'e laos a'at hanesan imi hanoin “Saida mak ita hatene mak ne'e; Servisu VBG, ita hotu ne'ebé ohin prezensa iha ne'e esperiénsiadu, no hasae konsistente atu simu vítimas VBGS no fó referál bá sira, relatóriu statistika VPU hatudu katak 40 % husi insidentes hotu mak vítima VBGS no ohin relatóriu sira ne'e hanesan informasaun vital ne'ebé ita dehan los; VBG buat ida ne'ebé eziste duni, ida ne'e la tun ida, maibé importante liu mak **“IDA NE'ETENKE HAPARA”**.

Oin sa mak ita bele uja relatóriu ne'e atu halo buat ida ne'e?

- Bá dalauluk no importante liu mak ita tenke koalia. Fó hatene bá se deit kona-ba relatóriu ida ne'e, informasaun mak hanesan siensia no siensia mak hanesan forsa. Ita tenke hanorin ita nia ema sira kona-ba saida mak akontese, oinsa mak ida ne'e bele afeta bá sira no vítima, no forsa saida mak sira uja atu hapara ida ne'e.
- Bá dala rua ita tenke hamutuk iha ita nia esforsu tomak, ho lian makaa's di'ak liu-tanba ema sei rona lian koletivu duke ho lian ema ida deit. Tanba ida ne'e mak hau haksolok tebes ohin bele hamutuk ho ita bo'ot sira ho Asesór Nasionál bá Violénsia kontra Fetu sua exelencia Dr Rui Araujo no sua exelencia Milena Pires, ne'ebé sira lao's deit aseita bá sira nia kna'r no esforsu tomak ne'ebé persija maibé sira reprezenta tarefa foun ne'ebé fokus liu bá Violénsia

Báseia bá Jéneru no ida ne'e sei foka liu bá oin sa atu servisu hamutuk. Ida ne'e los duni, tanba ema barak ne'ebé ohin halibur iha ne'e mak, sira ne'ebé direktamente no indireitamente servisu kona-ba asuntu ida ne'e no oinsa atu hakotu issu ida ne'e. Hau lao's atu kongratula deit bá ita bo'ot sira nia esforsu, maibé hau husu bá ita bo'ot sira atu haré bá malu hanesan kolegas no servisu hamutuk bá objetívu ida. Lia fuan kolektivu ne'ebé hau foin temi iha leten, ohin no iha sala ida ne'e, ita hateke bá malu, halo komonikasaun bá malu no halo koordinasaun bá malu atu nune'e ita nia esforsu tomak bele sai hanesan forsa ida tanbá Obstatkulu ne'ebé feto Timor-Leste hasoru bo'ot tebe tebes, tanba ne'e ita tenke responde imediata.

- Hau hakarak hato'o tan hau nia gratidaun bá Grupu Estudu, ita bo'ot sira nia difikuldade tomak maibé ikus mai importante tebes ne'ebé reprezenta objetívu ita hotu ne'ebé ohin fó prezensa iha ne'e, no sei fó energia foun bá ita iha asaun ida ne'ebé di'ak liu. Hau hein atu halo diskusaun klean liutan kona-ba relatóriu ida ne'e ho detalladu, rona nia nesesidade no opsaun husi ita hotu ne'ebé prezensa iha ne'e no komesa atu halo estratéjia oinsa ita bele komesa atu hasae ita nia komunikasaun no kolaborasaun atu prevene issu hirak ne'e.

Obrigada barak.